




Druhdže wo nas

Zajimawy dokument wo Serbskim Sokole smy namakali w čísle 1/2003 českeho časopisa SOKOL. K nastawkej „Kroj (= narodna drasta - M.K.) jako sokolský fenomén“ su přidate wjacore wobrazy wo wšosokolskim zléče 1926 w Praze, mjez nimi tež pódlanski. W přním rjedže spóznawamy wotprawa Měrcina Nowaka-Njehornského (ze žerdžu chorhoje), Jakuba Šajbu, Hermanna Šlecu (tu však sej wěsći njejsmy), Elzu Janakowu, Mínu Witkojc a dalšu, nam dotal njeznatu, Delnjoserbowku. Štó z čitarjow móže něšto wudospoňić resp. korigować? Zdžělcje to prosu redaktorej!

M. Krawc

50 lět Tyršowy muzej čěłozwučowanja a sporta

Předsydstwo Českeho sokolskeho zwjazka (Česká obec sokolská - ČOS) ma swoje sydło w Tyršowym domje w Praze na Małej stronje. W twarjenju bě dotal tež zaměštnjeny Tyršowy muzej čěłozwučowanja a sporta. Loni počerpje dom z wulkeje wody Wołtawy hoberske škody - runje tak kaž na přikład w bliskosći něhdyši Serbski seminar. To je sobu



přičina toho, zo přeachny wot lětušeje přenjeje meje Tyršowy muzej do Narodneho muzeja při Václavskim náměšće. (W tutym wulkim twarjenju pobychmy my šulerjo Serbskeho gymnazija z Varnsdorfa/Warnoči na wulčće do českeje stolicy w lěće 1948.) W Narodnym muzeju bě so w nalěcu hižo wustajeńca ze sportowej tematiku wotewrěła - z pokazku wo Emilu a Dani Zátapekce.

Tyršowy muzej čěłozwučowanja a sporta swjeći lětsa swoje polstate wobstaće. Je to třeci najstarši sportowy muzej swěta. Po wudaću zakonja w lěće 1952 buchu do noweho muzeja eksponaty wjacorych samostatnych organizacijow (kaž Českeho sokolskeho zwjazka ČOS, něhdyšeho němskeho čěłozwučowankeho zwjazka DTJ, křesćanskeje sportoweje organizacije Orela, Kluba českých turistow abo materialije olympiskeho wuběrka) zhromadžene. W Tyršowym domje, běchu hižo do 1952 eksponaty něhdyšeho Muzeja Tyrša a Fügnera resp. Sokolskeho muzeja widjeć.

M. Krawc (po časopisu SOKOL č. 3/2003)

SOKOŁSKE LISTY, wokolnik Serbskeho Sokoła z.t.
Zamołwity redaktor: Mikławš Krawc

SOKOŁSKE LISTY

80 lět sportowanje w Ralbicach

Wot 27. do 29. junija woswjeć w Ralbicach załoženje jednoty Sokoła před 80 lětami. Sokolske Listy chcedźa w předležacym čísle k stawiznam sportowanja w Delanach tři strony wěnować. Podawamy přehlad wažnych podawkow wot lěta 1923 hač do přitomosće, wěnujemy so Ralbičanskej kopańcy a wozjewjamy dokument z lěta 1933 wo počinanjach nacijow přećiw serbskim sportowcam a wo proteście Jakuba Žura přećiwu tomu. K stawiznam sportowanja w Ralbicach doporučamy tež přinoški w slědowacych číslech SL: w čísle 2/1996 („Wyšiny a nižiny Ralbičanskeje kopańcy“, „Přehlad k sportowym stawiznam w Ralbicach“), w čísle 5/1998 („Feliks Statnik 70 lět“), w čísle 5/2000 („Kak dóndže před 25 lětami k zjednočenju koparjow Ralbic a Hórkow“) abo w čísle 5/2001 („Jurij Frencl: Mój puč do Sokoła“)



Ralbičenjo na sokolskim swjedženju Kulowskeje jednoty 1931 w Sulšecach

Mězniki ze stawiznow sportowanja w Ralbicach

- | | |
|---|--|
| <p>30.8.1923 Jednota Sokoła je załožena. Přeni starosta bu Jurij Brankačk z Łaska, načolnik (= nazwučowar) pak Jurij Čornak z Ralbic.</p> <p>8.2.1925 Na přeni zwučowanski kurs Sokoła podachu so do Prahi Mikławš Čemjer, Jurij Čornak (wobaj z Ralbic) a Jakub Šořta (z Łaska).</p> <p>14.7.1927 Na II. zwjazkowym zléče Sokoła we Wulkim Čisku běchu Ralbičenjo ze 26 zwučowarjami. Jurij Čornak měješe cyłkowne zwučowanje Sokołow na překušu na starosći.</p> <p>27.12.1928-6.1.1929 Na přním zwučowanskim kursu w Serbach, kiž so w Kulowje přewjedže, wobdžělštaj so Jurij Korjeńk a Pawoł Šořta.</p> <p>1928 K delegaciji Serbskeho Sokoła na zléče w Skopju slušese tež Jurij Čornak.</p> <p>1931 Ralbičenjo wustupichu ze scenu na swjedženju Kulowskeje jednoty w Sulšecach.</p> <p>1931 Na čole jednoty stejachu jako starosta Jurij Žur z Ralbic, jako nazwučowar Pawoł Šořta (pjekarski mišter z Róžanta) a jako zamołwity za Sokolata Pawoł Kučank z Łaska.</p> <p>20.3.1932 W přenjeje oficialnej hrě w kopańcy dobychu Ralbičenjo nad Worklecami ze 7:2.</p> <p>17.4.1932 W Jitkowskim lěsu poswjeći so nowe sportnišćo. Ležownosć bě kubler Jurij Zarjeńk přewostajil.</p> <p>9.4.1933 Serbski Sokoł so rozpušći. W Ralbicach wutwori so skupina DJK (Deutsche Jungkraft). Pod tutym mjenom hrajachu serbske koparske mustwa hač do lěta 1937.</p> <p>1947 W Ralbicach załoži so sportowa jednotka. Na čole stejese překupc Jurij Grofa z Ralbic. W mnohich hodžinach běchu lěsne sportnišćo při puču do Jitka zwuporjedźeli.</p> | <p>4.7.1947 W Nowej dobrej bě přenja powěsć wo powójnskej kopańcy w Delanach: Ralbičenjo běchu nad Chróšćicami ze 4:2 wuspěšni.</p> <p>1952 Po wotchadze Jurja Grofy do zapadneje Němskeje přewza Jurij Frencl wjednistwo sportoweje jednoty Traktor Ralbic. Tutu funkciju wukonješe wón wjac hač třideći lět.</p> <p>1955 W Šunowje započachu nowe sportnišćo twarić.</p> <p>6.7.1956 W serbskej wubrance, kiž hraješe w Budyšinje skladnostnje zjězda Serbow přećiwu mustwu Traktora z Choćebuskeho wokřesa, slušachu z Ralbičanskeho mustwa Jan Narčík, Pawoł Šořta, Pawoł Čořka, Jurij Nowak, Feliks Statnik a Mikławš Krawc.</p> <p>1965 W serbskej wubrance, kotraž hraješe w Hórkach přećiwu čěskemu mustwu Spalené Pořiči a potom w Čěskej při přním wukrajnym zajědže serbskich sportowcow, stejachu z Ralbic Jurij Bjeńš, Pětr Neter, Jan Domaška, Feliks Šořta a Pawoł Čořka. Přefelstwo z jednotu blisko Plzenja traje hač do dzěnsnišeho.</p> <p>7.11.1975 W Konjecach zjednočichu so koparjo z Delan a Hórkow do nowoje jednoty „Traktor Ralbic/Hórki“. Předsyda bu Jurij Frencl, wjednistwu přišušachu Franc Młynk, Jan Warnar, Rudi Koch, Alojs Langa, Jakub Šořta, Joachim Ryčer, Měrcin Štrawba, Marja Krawcec a Beno Młynk.</p> <p>1.7.1979 Składnostnje župneho zjězda župy „Michał Hórnik“ poswjeći so w Ralbicach Stadion přefelstwa.</p> <p>1979 Koparske mustwo z Ralbic/Hórkow postupi do wobwodneje ligi. W tutej hrajnej klasy nastupichu w sezonamaj 1979/80 a 1980/81 a potom hišće raz wot 1991/92 hač do 1996/97.</p> |
|---|--|

